

Glasnik Sai Vibrionike

www.vibrionics.org

“Kad god vidite nesretnu, bolesnu ili potištenu osobu, to je polje vašeg služenja, seve.”

...Sri Sathya Sai Baba

Svezak 7, broj 4

juli/august 2016

U ovom broju

☞ Iz pera dr Jit K. Aggarwala	1- 2
☞ Slučajevi s kombo-preparatima	2 - 8
☞ Profili praktičara	8 – 10
☞ Kutak za odgovore	10 - 11
☞ Božanske riječi Vrhunskog iscjelitelja	11 - 12
☞ Obavještenja	12
☞ Dodatak	12 - 13

☞ Iz pera dr Jit K. Aggarwala ☞

Dragi praktičari

Samo kad doživi nagovještaj toga šta znači okupati se u slavi Učitelja osoba može doživjeti čisto blaženstvo i prosvjetljenje. Koliko smo samo blagoslovljeni što za Gurua imamo samog Boga. Riječ *guru* potiče iz sanskrita i označava ‘onog koji uklanja tminu’. Ja vjerujem da je imati vjeru u **svog gurua** od najveće važnosti! Samo kroz bezuvjetnu vjeru u *gurua* možemo primiti ‘krajnje’ svjetlo.

Sretan sam što imam priliku obratiti vam se pred Guru Purnimu, jedan od najvažnijih praznika u Prashanti Nilayamu. Neka se naša srca još snažnije i s više ljubavi okrenu prema voljenom Gospodu, Bhagavanu Sri Sathya Sai Babi, Iscjelitelju nad iscjeliteljima. Neka nas On, u ovim vrlo posebnim trenucima, okupa Svojim svjetlom ljubavi i služenja.

Beskrajno mi je zadovoljstvo podijeliti s vama činjenicu da program Vibrionike uveliko napreduje kao direktna posljedica uprežanja snage saradnje. U zadnjem broju glasnika sam vas obavijestio kako su u Indiji, VB i SAD-u zakazani redovni sastanci praktičara u cilju kontinuiranog razvoja i učenja. Ne samo da su se neki od tih sastanaka već održali, već su se i pokazali jako uspješnim kako u pogledu velikog broja prisutnih te tako i u pogledu izvanrednog sadržaja.

Sastanci su bili visoko strukturirani. SVP-i su napravili prezentacije o važnim temama koje se odnose na ishranu, tjelesne sisteme, vitalne organe, remedije i kombinacije. Praktičari su podijelili uspješne rezultate s namjenski napravljenim kombinacijama kao što su energetska i kortizolska (više u Dodatku). Naglašena je važnost ishrane u održavanju zdravog načina života te se o tome dosta raspravljalo. Pored toga, praktičari koji su imali uspjeha u tome razmijenili su različite preskripcije za liječenje teških hroničnih bolesti kao što su lupus i opsesivno-kompulzivni poremećaj. Na nekim od sastanaka se raspravljalo i o naprednim temama kao što su kompatibilnost radionike i vibrionike te transmutacija negativne u pozitivnu energiju kroz snagu ljubavi, zahvalnosti i opraštanja.

Još jedna važna inicijativa, koja se primila izuzetno dobro zahvaljujući naporima praktičara ^{03531...VB}, jeste premještanje informacija o praktičarima u *cloud* bazu podataka kako bi joj se omogućio neometan pristup od strane administrativnog tima te svih koordinatora i trenera. Očekujemo da će projekat biti završen u narednih nekoliko mjeseci.

Uzevši u obzir ritam kojim postojano napredujemo prema instituciji koja nudi svjetsku, besplatnu, alternativnu brigu o zdravlju, vjerujem da će Vibrionika u vremenima koja dolaze postati zvanično priznata terapija za koju će se moći opredijeliti ljudi širom svijeta. Istinski sam zahvalan što imam priliku svjedočiti veličanstvenom obliku kojeg poprima Swamijeva Vibrionika u naše vrijeme. Zasluge pripadaju svima onima koji su služili u njenoj misiji! To me podsjeća na riječi profesora N. Kasturija u uvodu Swamijeve

Prema Vahini: "...dok uživajte u uzbuđenju ovdje opisane *sadhane* (duhovne prakse), odgovarate na veličanstvenost Okeana milosti sámog."

U služenju Saija s ljubavlju,
Jit K Aggarwal

☪ Slučajevi s kombo-preparatima ☪

1. Vertigo, sinusitis ^{03524...SAD}

Muškarac (45) je protekle tri godine patio od vrtoglavice. Liječnik ga je tretirao različitim alopatskim lijekovima, ali ništa nije pomoglo. Osjećao je vrtoglavicu kad bi ustajao iz kreveta ili brzo micao glavom. Ponekad bi mu se toliko zavrtilo da nije smio sjesti za volan. Vjerovao je da u unutrašnjem uhu ima vodu koja mu stvara vertigo.

Također je u protekle četiri godine patio od učestalih napada upale sinusa, vjerovatno izazvanih alergijama. Povremeno mu bi bilo teško disati kroz nos. Često je išao u apoteku po lijekove za privremeno olakšanje. 18. jula 2015. dobio je sljedeći lijek:

CC10.1 Emergencies + CC12.1 Adult tonic + CC15.1 Mental & Emotional tonic + CC18.1 Brain disabilities + CC18.7 Vertigo + CC19.2 Respiratory allergies...TDS u void

Prva doza **TDS** režima sastojala se u tome da uzima lijek svakih 10 minuta sat vremena. Druga i treća doza su bile uobičajene *single* (pojedinane) doze. Praktičarka mu je također pokazala *Jala Neti Kriyu* (jednostavnu tehniku ispiranja nosa slanom tekućinom poznatu kao *neti*) koju je vježbao vikendom. Također mu je predložila da ponavlja sljedeću afirmaciju, "Ja sam izliječen, hvala Ti, Bože", dok bi lijek držao minut pod jezikom. Za vrijeme vibrioničkog tretmana nije uzimao nikakav alopatski lijek za vrtoglavicu. Međutim, kada više ne bi mogao izdržati, nastavljao je povremeno uzimati u apoteci lijekove za sinusitis.

Tretman je djelovao čudesno i za dvije sedmice došlo je do 50% poboljšanja kod vrtoglavice i 60% kod sinusitisa. Čovjek je osjećao da mu osim vibrionike kod sinusitisa pomaže i *neti*. Doziranje je smanjeno na uobičajenih **TDS**. Do kraja augusta više se nije bojao da vozi; došlo je do 80% poboljšanja kod vrtoglavice i 90% kod sinusitisa. Do kraja septembra bio je potpuno izliječen i od vrtoglavice i od sinusitisa.

Pacijent je prestao s vibrioničkim tretmanom sredinom oktobra 2015. jer se osjećao potpuno izliječenim i nisu mu više trebali lijekovi iz apoteke. Od juna 2016. nije više imao nijedan napad upale sinusa ili vrtoglavice.

Komentar praktičarke:

Supruga pacijenta je izvijestila kako je jednog dana ugledala globule prosute pored suprugovog kreveta. Htjela je otići po još globula kod praktičarke, ali njen je suprug to shvatio kao znak da ga je Swami potpuno izliječio te da ih više ne mora uzimati. Pacijent je toliko zadovoljan Sai Ram vibracijama da vibrioniku sada preporučuje svim svojim prijateljima.

2. Osteoarthritis ^{03524...SAD}

Gospođa (80) je zatražila pomoć za osteoarthritis od kojeg je patila gotovo petnaest godina. Ispod oba koljena bile su joj upaljene tetive, a ukočenost koljena joj je umnogome otežavala kretanje. Primila je nekoliko steroidnih injekcija, ali to nije pomoglo te joj je nemogućnost kretanja prouzrokovala depresiju. Svaki dan je uzimala 325 mg aspirina. Kad joj je praktičarka spomenula da bi joj Sai Vibrionika mogla pomoći, bila je presretna te je odmah zatražila terapiju.

15. novembra 2015. dobila je sljedeće:

CC10.1 Emergencies + CC12.1 Adult tonic + CC15.1 Mental & Emotional tonic + CC18.1 Brain disabilities + CC20.1 SMJ tonic + CC20.2 SMJ Pain + CC20.3 Arthritis + CC20.4 Muscles & Supportive tissue + CC20.6 Osteoporosis...QDS

Za vrijeme vibrioničkog tretmana nastavila je uzimati tabletu aspirina od 325 mg. Za tri sedmice osjetila je 50% poboljšanja kod bola i fleksibilnosti te je o tome s velikim uzbuđenjem obavijestila praktičarku. Kad je došla po novu dozu, hodala je znatno bolje. Sredinom decembra doziranje je smanjeno na **TDS**. Nakon još mjesec dana izvijestila je da osjeća 80% poboljšanja kod bola i fleksibilnosti te je doziranje smanjeno na **OD**. Za dvije sedmice stanje joj se popravilo na 90%, a nakon još mjesec dana bila je potpuno zdrava. Tretman je prekinut. Prema najnovijim informacijama iz juna 2016, gospođa hoda bez ikakvog bola i nema

znakova relapsa. Više ne uzima aspirin za bol u koljenu. Međutim, uzima malu dozu aspirina od 81 mg za prevenciju srčanog i moždanog napada.

3. Nedostatak mlijeka kod majke ^{03526...SAD}

Mlada žena (24), praktičarkina poznanica, čula je za Vibrioniku i došla zatražiti lijek za manjak mlijeka za njeno prvo dijete, djevojčicu staru tri mjeseca. Brzo je gubila mlijeko, a liječnik joj je preporučio da djetetu daje kupovno mlijeko. Međutim, ona je željela nastaviti dojiti. Također je od ranog stadija trudnoće patila od sindroma karpalnog tunela, vjerovatno usljed rada na računaru na poslu. To joj je uzrokovalo bol u lijevoj ruci te joj je liječnik propisao analgetike.

Vodila je zdrav život i imala podršku porodice. Prethodna historija bolesti nije ukazivala na posebne probleme sa zdravljem. Nakon što je rodila, dala je otkaz kako bi mogla brinuti o bebi. 19. jula 2015. dobila je:

#1. CC8.1 Female tonic + CC12.1 Adult tonic + CC15.1 Mental & Emotional tonic + CC20.3 Arthritis...TDS

Nakon sedam dana pacijentica je izjavila da su se zalihe popravile i da sada ima dovoljno mlijeka. Činila se vrlo zadovoljnom. Nakon četiri sedmice nazvala je praktičarku da zatraži novu dozu. Rekla joj je da je završila s lijekom tri dana ranije i da je već primijetila kako se količina mlijeka smanjuje. Htjela je istog trena ponovo početi uzimati lijek. Napravljena je nova kombinacija bez **CC20.3 Arthritis** jer je pacijentica smatrala da će joj se bol u ručnom zglobu popraviti nakon što je prestala raditi a također je kod sebe imala i analgetike. Trenutno se najviše brinula za mlijeko.

#2. CC8.1 Female tonic + CC12.1 Adult tonic + CC15.1 Mental & Emotional tonic...TDS

Nastavila je uzimati lijek dok beba nije napunila 11 mjeseci i prešla na čvrstu hranu.

Komentar praktičarke:

Pacijentica nije bila sigurna šta može očekivati, ali je doživjela nevjerojatne rezultate. Iz nekog razloga, preferirala je alopatski lijek za bol i nije htjela bol u ručnom zglobu tretirati vibrioničkim putem. Zbog toga nije doživjela značajnije poboljšanje po tom pitanju te sam ukinula CC za artritis za sindrom karpalnog tunela.

4. Teška konstipacija ^{03526...SAD}

Pacijentica je bila djevojka (15) koja je usljed nepoznatih razloga proteklih pet godina patila od teške konstipacije. Kad je posjetila liječnika zbog teških bolova u želucu, nije shvatila da je bol posljedica konstipacije. Doktor je sumnjao na *Helicobacter pylori* te ju je tretirao antibioticima. Kad ga je posjetila sljedeći put, pregledao joj je trbuh i otkrio veliku količinu stvrdnute stolice. Nekoliko pokušaja s laksativima, uključujući mlijeko od magnezija, samo bi privremeno olakšalo simptome. Pored bolova u trbuhu i nadimanja, ponekad bi osjetila bol iza ušiju. Jednom prilikom je doktor morao provući cijev kroz nos u probavni trakt kako bi uklonio stvrdnutu stolicu. Nakon toga je saopštio roditeljima da od alopatske medicine ne mogu očekivati izlječenje te da potraže neki alternativni oblik liječenja.

Otac se obratio praktičaru na preporuku drugog Sai poklonika. U vrijeme posjete, djevojčica je osjećala bol u trbuhu i nadimanje. Tom prilikom je praktičar uočio da je, osim toga, pacijentica vrlo zdrava i bistra djevojka koja vodi računa o zdravoj ishrani i načinu života. Ponekad je patila od upale sinusa i u prošlosti je imala problem s krajnicima koje je operisala. Poticala je iz vrlo duhovne porodice, nije patila od anksioznosti i poznavali su je kao sretnu tinejdžerku.

17. januara 2016. praktičar joj je propisao sljedeći lijek:

CC4.4 Constipation + CC12.2 Child tonic...TDS za početak, dvije sedmice.

Nakon sedam dana otac je izvijestio da je u dva dana otkad je počela uzimati lijek njegova kćerka potpuno ozdravila. Bolovi u želucu i sva posljedična nelagoda su nestali. Lijek je nastavljen **TDS** još sedam dana, **BD** mjesec dana i **OD** još mjesec. Potom je doziranje smanjeno na **OW** - šest mjeseci. Od maja 2016. stanje se nije povratilo, a djevojka nastavlja uzimati dozu za održavanje.

5. Teška putna mučnina kod djeteta ^{03527...France}

Trogodišnji dječak je patio od ozbiljne putne mučnine otkad je napunio 18 mjeseci, kad je mogao sjesti uspravno i putovati. Deset-dvadeset minuta nakon što bi počela vožnja on bi osjetio jaku mučninu,

nelagodu, problijedio bi i počeo povraćati. Nije primio nikakvu terapiju za to. Kako je trebao poći na putovanje s bakom i djedom, baka je zamolila praktičarku za lijek. Kako je trebalo putovati preko 150 km, za baku i djeda je to predstavljalo veliki problem.

Kako je dječak bio sklon nervozi, praktičarka mu je 9. aprila 2016. napravila sljedeće:

CC15.1 Mental & Emotional tonic + CC17.1 Travel sickness...uzeti po potrebi.

Baka je preferirala davati lijek u globulama (ne u vodi kako je preporučeno). Na dan putovanja dala mu je jednu dozu sat vremena prije puta, jednu u vrijeme polaska, a zatim po jednu globulu svakih deset minuta tokom prvog sata vožnje. Dječak uopšte nije razvio simptome mučnine, bio je savršeno zdrav i svo troje su uživali u putovanju. Bio je to 100%-ni uspjeh. Ista procedura je primijenjena i u povratku s jednakim rezultatom. Baka je ostavila bočicu s globulama kod majke, koja je isti lijek uspješno koristila u narednim putovanjima.

6. Vitiligo ^{02840...Indija}

26. augusta 2015. praktičarki je došao 8-godišnji dječak s vitiligom. U protekle tri godine gubio je boju kože po rukama, nogama i licu. Prethodno je išao kod dermatologa koji mu je propisao vitamine, tablete i kreme. Dječak je zbog toga patio od nuspojava kao što su povraćanje, crveni čirevi na dijelovima kože bez boje, oticanje, bez poboljšanja. Zato su roditelji odlučili pokušati s ajurvedskim tretmanom koji je podrazumijevao uzimanje lijeka u prahu i mazanje depigmentiranih dijelova kože uljem. To je trajalo godinu i pol. Iako je došlo do izvjesnog poboljšanja, roditelji nisu bili zadovoljni rezultatom. U međuvremenu su čuli za Sai Vibrioniku te da je sistem blagoslovio sâm Sai Baba. Kako su bili poklonici odlučili su pokušati. Dječak je dobio sljedeće:

CC15.1 Mental & Emotional tonic + CC21.2 Skin infections + CC21.3 Skin allergies...6TD tri sedmice, **QDS** naredne tri sedmice, a zatim **TDS**.

Također je dobio isto u *vibhutiju* da stavlja **BD** na zahvaćeno područje.

Nakon osam sedmica, sve izbljedjele mrlje po licu su potpuno nestale da bi mu se namjesto njih vratila normalna boja kože. Boja prethodno depigmentiranih dijelova kože na rukama i nogama bila je gotovo normalna, pokazujući poboljšanje od 90-95%. Doziranje je smanjeno na **OD** dvije sedmice, a zatim na **OW**. Nakon trinaest sedmica noge i ruke su mu bile potpuno normalne, ukazujući na 100%-no izlječenje. Savjetovano mu je da nastavi uzimati lijek **OW** i da uporedo s tim nastavi stavljeti *vibhuti*. Kako nije uočena daljnja depigmentacija, u maju 2016. doza za održavanje je smanjena na **jednom mjesечно**, a mazanje kože *vibhutijem* je prekinuto.

7. Ljuštenje kože ^{11572...Indija}

Kada je žena (30) koja je radila kao služavka prišla praktičarki, 4. januara 2016, u obje šake je osjećala svrab i jaku bol, ruke su joj bile otečene a koža se ljuštila. Prsti su bili gotovo duple veličine. Bila je vrlo nesretna zbog toga. Kad je to prvi put počelo prije 15 dana, posjetila je liječnika koji joj je propisao oralnu medicinu. Kako nakon 15 dana nije došlo do poboljšanja, prestala je uzimati tablete i došla po vibrionički tretman. Dobila je:

Za vanjsku primjenu:

#1. CC21.2 Skin infections + CC21.3 Skin allergies + CC21.6 Eczema.... u vodi, aplicirati **6TD**

Za oralno uzimanje:

#2. CC8.1 Female tonic + CC10.1 Emergencies + #1...6TD

Za manje od šest dana obje šake su joj bile potpuno izliječene. Gospođa je nastavila uzimati lijek **TDS** narednih 15 dana. Od maja 2016. nije imala povrat simptoma.

8. Dijareja ^{11570...Indija}

Tjelohranitelj (50) je 25. maja 2015. zatražio pomoć za bol u želucu i dijareju od kojih je patio protekla tri-četiri dana. Bilo je vruće u to doba godine te je praktičar saznao da je tjelohranitelj pio vodu iz česme u lokalnom parku. Dobio je sljedeće:

CC4.6 Diarrhoea + CC4.10 Indigestion + CC12.1 Adult tonic + CC15.1 Mental & Emotional tonic...svakih deset minuta u vodi, jedan sat

Ukoliko bi stanje potrajalo, mogao je nastaviti s istim doziranjem sljedeći sat, a zatim preći na **6TD** u globulama, jedan dan. Rečeno mu je da pije samo filtriranu ili prokuhanu vodu. Pacijent nije uzimao ništa drugo. Do sljedećeg dana se potpuno oporavio. Doziranje je smanjeno na **TDS** jedan dan, **BD** sljedeći dan, nakon čega je lijek uzimao **OD** sedam dana.

+++++

9. **Facijalna paraliza, nervoza** ^{11576...Indija}

Muškarac (30) se 3. decembra 2015. obratio praktičaru zbog jakog bola i parcijalne facijalne paralize s totalnom ukočenošću lijevog obraza. Kako radi kao video džokej na popularnom TV kanalu, prisiljen je mnogo govoriti. Rekao je kako je izgubio samopouzdanje te kako je imao napade panike koji su ga učinili pretjerano anksioznim i prestrašenim. Također je patio od loših snova i psihičkog nemira.

Svi simptomi su počeli tri sedmice ranije kad mu je doktor propisao 400 mg Ibuprofena QDS. Kako nakon četiri dana nije došlo do poboljšanja, konsultirao je homeopata. Dobio je Spigeliju i Chamomillu koje je uzimao tri sedmice a zatim prestao jer nije uočio poboljšanje. Uz pomoć viska, praktičar je otkrio da je problem psihosomatskog porijekla te da je povezan s urocima i crnom magijom. Pacijent je dobio:

Za facijalnu paralizu:

#1. CC3.7 Circulation + CC17.2 Cleansing + CC18.4 Paralysis + CC18.5 Neuralgia + CC20.4 Muscles & Supportive tissue... uzimati u vodi svakih 15 minuta, doziranje smanjivati po poboljšanju

Za nervozu:

#2. CC10.1 Emergencies + CC12.1 Adult tonic + CC15.2 Psychiatric disorders + CC17.3 Brain & Memory tonic...TDS u vodi

Nakon dva sata, pacijent je osjetio da mu je lice bolje te je smanjio dozu na **TDS**. Nakon tri dana došlo je do 80% poboljšanja facijalne paralize. Ukočenost se smanjila dovoljno da je mogao nastaviti obavljati svoj posao video džokeja. Nakon mjesec dana, pacijent je bio 95% bolje što se tiče paralize. U roku od dva mjeseca potpuno se oporavio od svih simptoma facijalne paralize. Njegovi simptomi nervoze su se popravili za 25% u roku od pet dana i 50% u roku dvije sedmice. Za tri sedmice pacijent je izvijestio o potpunom oporavku od svih simptoma nervoze. Više nije imao loše snove niti su mu na pamet padale negativne misli.

Od aprila 2016. doziranje oba lijeka je postepeno smanjivao do **OW**. Pacijent se osjeća dobro i nema simptoma.

Komentar pacijenta: Moj život je bio u krizi, a homeopatski lijekovi koje sam uzimao tri sedmice nisu pomogli. Presretan sam što je Sai Vibrionika izliječila sve moje teške probleme za tako kratko vrijeme. Uz pomoć ove terapije koja ne sadrži nikakve hemijske supstance, bio sam u stanju vratiti se na posao nakon kratkog razdoblja patnje izazvane vrlo bolnom facijalnom paralizom.

+++++

10. **Vlažni ekcem od rođenja** ^{01180...Bosnia}

Praktičara je 14. oktobra 2015. posjetio dječak (12) koji je patio od hroničnog vlažnog ekcema s jakim simptomima. Njegovi problemi su počeli kad je imao svega tri godine. Kako možete vidjeti na slikama ispod, ekcem se proširio po cijelom tijelu. Osnovna karakteristika mu je bila da je bio jako svrbljiv sa providnim/žutim iscjetkom koji se sušio i kožu činio ekstremno suhom. Kad je koža počela da puca, dječak je iskusio nesnošljivu bol. Zbog češanja je na nekoliko mjesta imao bolne rane. Također je patio od začepjenih sinusa zbog čega je teško disao.

Za početak je dobio:

#1. SR389 Kali Bic 30C...svaka 4 sata, maksimalno 3 doze dnevno. To je dovelo do žestoke rekakcije već sljedećeg dana, nakon čega se dječakovo stanje pogoršalo.

Kako bi spriječio daljnje pogoršanje, praktičar je pripremio sljedeći lijek u kremi* za vanjsku primjenu:

#2. CC10.1 Emergencies + CC12.2 Child tonic + CC15.1 Mental & Emotional tonic + CC15.6 Sleep disorders + CC21.1 Skin tonic + CC21.2 Skin infections + CC21.3 Skin allergies + CC21.6 Eczema ... TDS



*Sastojci baze za kremu bili

su

ghee (pročišćeni puter), kokosovo ulje, vosak, ulje od kalendule, ulje od ehinaceje, ulje od gaveza i *vibhuti*.

Pored toga, praktičar je dječaku dao sljedeći lijek da mu pomogne prevazići strah od bola:

#3. SR543 Agaricus Mus 30C...OD po potrebi

27. oktobra dječak je izvijestio o značajnom poboljšanju; međutim, oko oka mu se javio novi osip. Za to mu je praktičar propisao:

#4. SR249 Medorrhinum 30C... svaka 4 sata, maksimalno 3 doze dnevno.

U početku se stanje pogoršalo, a zatim je krenulo nabolje. 7. novembra pacijent je izvijestio da se bol u velikoj mjeri smanjila. Lijek napravljen u kremi je bio tako učinkovit u držanju bola pod kontrolom da je dječak mogao prisustvovati nastavi (vidjeti slike).



Praktičar mu je propisao:

#5. SR218 Base Chakra...OW 4 sedmice.

21. novembra pacijent je rekao da ga nos jako svrbi, da su mu sinusi začepljeni a da mu je nosni iscjedak tvrd i bjeličast. Tako je praktičar ponovo uveo **#1...OD** te mu dao sljedeće prema navedenom redoslijedu:

#6. SR331 Bacillus-7...jednu dozu

#7. SR333 B. Morgan...jednu dozu

Sedam dana kasnije praktičar je primijetio male bijele tačke na pacijentovim ručnim zglobovima i ušima. Sumnjajući na streptokok, dao mu je:

#8. SR316 Strep...OD 21 dan te nakon sedam dana pauze još jednom **OD 21 dan** i


#9. NM101 Skin-H + NM102 Skin Itch...TDS

11. februara 2016. ekcem je gotovo potpuno nestao, bol se povukla, dječakov apetit se vratio u normalu, i generalno se osjećao mnogo bolje.

Majka je odlučila da mu pregleda krajnike i doktori su otkrili da je na krajnicima ostalo svega 30% streptokoka. Praktičar mu je dao homeopatski:

#10. Sulphuricum Acidum 30C... svaka 4 sata, ukupno 3 doze te je ponovio **#8...OD 21 dan**.

U martu 2016. kad je dječak s majkom posjetio porodičnog liječnika, ugledavši njegovo čudesno izlječenje, liječnik je ostao bez teksta (vidjeti slike).



+++++
11. Hronična spondiloza vrata ^{11569...Indija}

Gospodin (62) je došao posjetiti praktičara 6. aprila 2015. žaleći se na slabost i akutni oštri bol. Zahvaljujući hroničnoj spondilozi vrata u posljednjih 15 godina, patio je od bolova u ramenima i rukama, naročito u predjelu listova, svaki dan, rano ujutro i kasno noću. Rentgen je pokazao osteofite u donjem i cervikalnom dijelu kičme. Nije koristio lijekove osim dnevne masaže kod kuće koja mu je pružala određeno olakšanje.

Dobio je sljedeći preparat:

CC10.1 Emergencies + CC12.1 Adult tonic + CC15.1 Mental & Emotional tonic + CC20.1 SMJ tonic + CC20.4 Muscles & Supportive tissue + CC20.5 Spine...TDS. Uzimao je lijek u globulama na poslu, a u vodi kod kuće. Odlučio je prestati s masažom.

Nakon sedam dana je izvijestio o značajnom porastu energije. Preko telefona je saopštio da osjeća 90% olakšanje bola u ramenima pri jutarnjem buđenju, ali samo 50% noću. Bol u nogama se popravila za 50% i ujutro i naveče. Kako se pacijent osjećao udobnije s višom dozom, doza je povećana na **6TD**.

Nakon osam sedmica, krajem maja, izvijestio je da se osjeća 90% bolje po pitanju bola u ramenima i nogama kao i da se osjeća dobro po pitanju energije. Doziranje je smanjeno na **TDS**. Do kraja juna

osjećao je 100%-no olakšanje od bola. Sredinom jula nestalo mu je globula jer je praktičar bio van grada. Krajem jula je izvijestio putem telefona da mu se bol vratila.

Dobio je novu bočicu lijeka da uzima **TDS**.

Krajem augusta je ponovo izvijestio da više ne osjeća bol, ali je nastavio uzimati lijek **TDS**. U jesen je iznenada hospitalizovan zbog drugog oboljenja te je smatrao da treba prestati uzimati vibro lijek. U oktobru su mu dijagnosticirali žuticu i TB meningitis. Pacijent je trenutno vezan za krevet i pod alopatskim je tretmanom.

U maju 2016. je potvrdio da ne osjeća nikakvu bol u ramenima i nogama.

12. Alergija na hranu ^{03522...Mauritius}

Muškarac (46) koji je patio od alergija na hranu obratio se praktičaru u maju 2015. Pet godina ranije razvio je alergiju na hranu u konzervama koja se manifestirala u vidu svraba sa crvenim mrljama na rukama, vratu i prsima. Dvije godine kasnije počeo je razvijati iste simptome dok je konzumirao suho voće, orašaste plodove, čili, mliječne proizvode i hranu koja sadrži gluten ili prezervative. Prije 14 mjeseci u ustima i na desnim počele su mu se javljati male kvržice. Kad god bi konzumirao bilo šta od gore navedene hrane, simptomi bi mu se pogoršali. Njegov doktor je naručio test na toleranciju hrane koji se pokazao pozitivnim te je potvrđeno da je bio alergičan na sve navedene supstance. Nakon toga je izbacio spomenute supstance iz prehrane i alergije su se donekle smanjile. Liječnik mu je propisao antialergijske alopatske lijekove, vodicu za ispiranje usta i mast, ali stanje mu se nije znatno popravilo, tako da je prestao s tim tretmanom. 30. maja 2015. praktičar mu je dao:

Za svrab s crvenim mrljama:

#1. CC21.2 Skin infections + CC21.3 Skin allergies + CC21.7 Fungus...TDS

Za kvržice u ustima:

#2. CC4.10 Indigestion + CC9.2 Infections acute + CC11.5 Mouth infections + CC12.4 Autoimmune diseases + CC15.1 Mental & Emotional tonic...6TD

Nakon dvije sedmice pacijent je izvijestio da osjeća 50% manje kvržica u ustima te da je potpuno slobodan od crvenih mrlja na tijelu. Doziranje **#1** je smanjeno na **OD**, a **#2** je smanjeno na **TDS**. Nakon mjesec dana došlo je do 80% poboljšanja kod kvržica. Nakon pet i pol mjeseci, 14. novembra 2015, pacijent je izvijestio da je potpuno izliječen od kvržica; tako da je doziranje **#2** smanjeno na **OD**. Doziranje **#1** je postepeno smanjivano na **OW** prije nego što je skroz prestao uzimati kombo u januaru 2016. Pacijent je vrlo zadovoljan jer se u potpunosti oslobodio alergije na hranu. Od 30. maja 2016. nije imao povrat niti jednog od simptoma. Nastavlja uzimati **#2 OD**.

❧ Profili praktičara ❧

Praktičarka ^{03524...SAD} je odana Sai poklonica otkad je u ranim 80-im prvi put čula za Swamiju od dr Bhagavantama. Kako je svake godine posjećivala Prashanti Nilayam, učestvovala je u sevi sa Sai Gram Seva zakladom i Sevalal dobrovoljcima pridruživši se stalnim medicinskim kampovima za dijagnostiku i onkološke preglede u siromašnim i zapostavljenim predjelima Telengane i Andhra Pradesha, u Indiji.



Za Sai Vibrioniku je čula od prijateljice te odmah pomislila kako je to njen poziv. Nakon što je završila AVP obuku u maju 2015, počela je tretirati ljude, u najvećem broju slučajeva vrlo uspješno. Jako je zahvalna Swamiju što joj je podario priliku da pomogne brojnim pacijentima sa hroničnim bolestima kao što su Guillain-Barre sindrom, Rubinstein-Taybi sindrom, moždani udar, hronična opstruktivna bolest pluća, reumatoidni artritis, srčani problemi, težak bol u leđima, veliki tumori, itd. Osjećajući se privilegovanom da može biti Swamijev instrument, prima pacijente u svako doba dana, poštujući njihove potrebe.

Naglašavajući duhovnu prirodu liječenja, ponavlja Sai Gayatri mantru dok pravi lijekove. Svojim pacijentima savjetuje da prije nego što uzmu lijek protresu bočicu dok ponavljaju molitvu po svom izboru. Pored toga savjetuje im da lijek uzmu s potpunom vjerom izgovarajući, "Ja sam iscijeljen u tijelu, umu i duši; hvala Ti, Gospode!" Povremeno šalje pacijente SVP-ju za slanje vibracija na daljinu koje je pomoglo u brojnim slučajevima.

ada tretira pacijenta, zamisli trokut na čijem se vrhu nalazi Gospod, a pacijenta i sebe zamisli na dva kraja osnovice. Neki su izvijestili da im je bilo lakše u roku od jednog dana ili čak za samo nekoliko sati. Osobe koje naginju duhovnosti iskusile su iscjeljenje na svim nivoima: fizičkom, mentalnom, emotivnom i duhovnom. Čak su izvijestili i o boljoj koncentraciji za vrijeme meditacije te većem stepenu zadovoljstva.

Često koristi sljedeće dvije kombinacije:

#1. CC10.1 Emergencies + CC12.1 Adult tonic + CC20.1 SMJ tonic + CC20.2 SMJ pain + CC20.3 Arthritis + CC20.4 Muscles & Supportive tissue + CC20.5 Spine + ako je žena starija od 55 godina, **CC20.6 Osteoporosis** za olakšanje artritičnog bola

#2. CC10.1 Emergencies + CC12.1 Adult tonic + CC15.1 Mental & Emotional tonic + CC18.1 Brain disabilities za emotivne probleme

Praktičarka smatra ove dvije kombinacije čudesnim lijekovima koje je poslao sam Gospod. Također je svjedočila prekrasnim izlječenjima sa **Move Well** preparatom iz kompleta za blagostanje. Jednom je žena s teškim bolovima u leđima uspjela polako spustiti se niz stepenice kako bi uzela lijekove za bol kao i globule Move Well. Najprije je uzela globule i počela se odmarati planirajući da analgetik uzme nakon 15 minuta. Međutim, na svoje iznenađenje otkrila je kako joj je bol popustila prije nego što je prošlo 15 minuta. Tako je uzela još jednu dozu globula i bol se potpuno povukla. Drugom prilikom praktičarka je primijetila ženu koja nije mogla doći do svojih kola na Sai retreatu te joj je ponudila Move Well koji je žena držala dok je hramljala prema kolima. Odmarajući se 5-10 minuta u kolima s lijekom kojeg još nije bila uzela već ga je samo držala u rukama, gle čuda, bol se povukao! Ona je smatrala da to mora biti čudo od samog Boga.

Praktičarka je postala vrlo pasionirana u svom služenju Sai Vibrionikom, osjećajući kako joj ona podiže i hrani dušu, te daruje veliko unutarnje zadovoljstvo. U svojoj praksi recitira Sai Gayatri mantru hiljadama puta, pomažući tako svoj duhovni razvoj. Osjeća duboku zahvalnost prema Bhagavanu koji joj je pružio priliku da se preobrazi kroz ovaj rad s ljubavlju.

Slučajevi za podijeliti

- [Vertigo, sinusitis](#)
- [Osteoarthritis](#)

+++++

Praktičar ^{03526...SAD} fasciniran alternativnom medicinom još od ranog djetinjstva počeo je praktcirati



homeopatiju u svojoj 18. godini. Bavio se i akupresurom i magnetoterapijom. Kao student u Prashanti Nilayamu imao je sreću praktcirati homeopatiju u Sathya Sai hostelu. Kada se preselio u SAD, ograničio je svoju praksu na porodicu i prijatelje sve do 2015. godine. Za Sai Vibrioniku je prvi put čuo kad je naletio na Souljourns razgovor sa g. i g-đom Aggarwal. Odmah se raspitao, prijavio te stekao svoj AVP certifikat u maju 2015. Godinu dana kasnije napredovao je do VP nivoa i sada se raduje svojoj SVP obuci. Kad je shvatio koliko su jasne upute za praktciranje vibrionike te kako je lako pripremiti lijekove, potpuno je prešao na Vibrioniku otkrivši da ima više uspjeha s tim sistemom liječenja.

Praktičar pažljivo sluša svoje Vodstvo kad su u pitanju potencijalni pacijenti. Samo kada je potaknut iznutra govori o svom služenju kroz Vibrioniku prepuštajući odluku pacijentu. Vjerujući kako mu sve pacijente šalje sam Bog, on njihovo blagostanje prepušta u Njegove ruke. Stoga ne oklijeva tretirati cijeli niz oboljenja kao što su alergije, autoimune bolesti, autizam i Parkinsonova bolest.

Nastavlja biti fasciniran čudesnim izlječenjima kojima je svjedočio, naročito sa **CC4.4 Constipation** i **CC15.1 Mental & Emotional tonic**. Potonji je u velikoj mjeri smanjivao emotivni prtljag u vidu potisnute ljutnje, apatije, prolongiranog stresa i anksioznosti.

Nakon nekoliko mjeseci prakse prepoznao je važnost dvije osobine za brz oporavak – vjeru u Vibrioniku i disciplinu u uzimanju lijekova. Odsustvo ove dvije kvalitete smanjuje šanse za oporavak. S tim na umu praktičar potiče pacijente da čitaju objavljene slučajeve i pogledaju edukativni video na stranici: www.vibrionics.org. Ove preporuke, uporedo s pričama o uspjehu samog praktičara, potiču kod pacijenata nadu i vjeru, te ih ohrabruju da disciplinirano slijede pravila uzimanja lijekova. Kako je otkrio koliko je strpljenje važno, savjetuje pacijentima da uzimaju lijek s vjerom i disciplinovano koliko god je potrebno da bi došlo do izlječenja.

Smatra se privilegovanim što može biti instrument u rukama Božanskog, služeći Swamija Njegovim sistemom liječenja. Smatrajući služenje svojom dužnošću, uvjeren je da je samo Bog taj koji iscjeljuje i da Njegova volja prevladava uklanjajući sklonost ega da preuzima zasluge za bilo kakav povoljan ishod. Uz sve veći broj pacijenata osjeća da njegova praksa pomaže njegov i duhovni rast njegovih pacijenata. Pacijenti su duboko dirnuti i jako cijene njegovo nesebično služenje, a on kontinuirano teži tome da postane bolji instrument u Njegovim rukama.

Slučajevi za podijeliti

- [Nedostatak mlijeka kod majke](#)
- [Teška konstipacija](#)

☪ Kutak za odgovore ☪

1. Pitanje: *Da li bi paralelni alopatski i vibrionički tretman za hronična stanja poput dijabetesa i hipotireoze proizveo brže rezultate? Da li bi to moglo biti štetno na bilo koji način?*

Odgovor: Općenito će vibrionički lijekovi uporedo s alopatskim ubrzati izlječenje. To se odnosi i na spomenuta hronična stanja. Međutim, u vrijeme uzimanja lijeka parametri se mogu pomjeriti u pravom smjeru ali previše, naprimjer, šećer u krvi se može spustiti i izazvati hipoglikemiju ili se pritisak može spustiti i izazvati hipotenziju. Tako da praktičar treba biti oprezan i eventualno početi s nižim doziranjem kao što je OD umjesto uobičajenih TDS, a zatim postepeno povećavati. Također treba upozoriti pacijenta na mogućnost javljanja takve situacije.

2. Pitanje: *Imam pacijenticu (32) koja pati od kožne alergije koja je uzimala alopatske globule i tri vrste masti. Prva mast za ruke i tijelo koja sadrži Dermovat smatra se najjačom. Druga za lice sadrži hidrokortizon i ima slab efekat, dok treća, također za lice, sadrži Voalla steroid i također ima jak učinak. Sve tri također sadrže antibiotik Gentamicin. Kako bih uklonio nuspojave ovih krema, mogu li napraviti jedan nozod za sve tri odjednom ili bih trebao napraviti poseban nozod za svaku od njih?*

Odgovor: Svaka krema ima svoju učinkovitost, nuspojave, način upotrebe, ograničenja i sl. Iz tog razloga je liječnik propisao tri različite kreme. Međutim, nozod načinjen u mašini za potenciranje lijekova funkcionira drukčije. Kada uzmemo kombo-preparat, svaka vibracija u njemu automatski pronalazi svoju metu i na nju djeluje. Tako pomaže u sprječavanju nuspojava te kreme. Dakle, ima smisla napraviti jedan nozod od uzorka koji sadrži mješavinu sve tri kreme. On bi trebao biti jednako učinkovit kao tri različita nozoda, ali lakši za praktičara da ga napravi i za pacijenta da ga uzima.

3. Pitanje: *Da li je, što se tiče vibracija u lijekovima, sigurno imati Wi-Fi konekciju kod kuće?*

Odgovor: Međunarodna agencija za istraživanje raka, dio Svjetske zdravstvene organizacije, klasifikuje olovo, hloroform, isparenja benzina, pesticid DDT i preko 250 drugih agenasa kao karcinogene supstance klase 2B – potencijalno karcinogene za ljude. Na listi se nalaze i radiofrekventna elektromagnetska polja čiji su glavni izvori radio, televizija, mikrovalna peć, mobiteli i Wi-Fi uređaji.

Smatra se da Wi-Fi konekcija ima mnogo manji negativni uticaj u odnosu na mobilni telefon. Isječci iz članka objavljenog u britanskom The Guardianu 27. septembra 2012 donekle osvjetljavaju ovaj problem:

“.....mobilni telefon prvi mora ići. Kod upotrebe telefon držimo u blizini mozga, dok Wi-Fi ruter može biti u drugoj sobi (zakon inverznog kvadrata). Procjenjuje se da primimo više mikrovalova od 20-minutnog telefonskog poziva nego od cjelogodišnje upotrebe Wi-Fi-ja.

.....Dvadeset laptopa i dva rutera su približno jednaka jednom mobilnom telefonu.

.....Aluminijumska folija djeluje kao jednostavni oblik Faradejevog kaveza, a to možete testirati tako što ćete umotati mobilni telefon u foliju i nazvati ga s drugog telefona. Ukoliko dobijete poruku da je “korisnik nedostupan”, uspjeli ste.”

U svjetlu gore navedenih informacija, nema razloga za brigu što se tiče Wi-Fi konekcije, ali lijekove treba držati na sigurnoj udaljenosti (najmanje jedan metar) od izvora radijacije - u ovom slučaju modem.

+++++
4. Pitanje: *Možete li opisati proceduru za slanje lijekova na daljinu uz pomoć Sai Ram mašine za potenciranje lijekova?*

Odgovor: Najprije namjestite potenciju na 200C. Ako želite emitirati vibraciju jedne kartice, ubacite karticu u mašinu. Ako želite emitirati mješavinu vibracija, stavite bočicu s kombinacijom u udubljenje za UZORAK. U udubljenje za LIJEK stavite nešto što će svjedočiti pacijenta; uzorak krvi, pramen kose ili njegova fotografija. Jednu dozu čini odašiljanje vibracija u trajanju od 10 minuta; za TDS to trebate činiti tri puta dnevno. Ako niste zadovoljni napretkom, povećajte potenciju na 1M jer posljednja istraživanja pokazuju bolje rezultate s ovom potencijom.

+++++
5. Pitanje: *Da li CC17.2 Cleansing treba kombinovati s drugim vibracijama Ili njega uvijek treba davati posebno?*


Odgovor: **CC17.2 Cleansing** se izvjesno može kombinovati s bilo kojim drugim lijekom ili se davati posebno jer on generalno ne dovodi do reakcije. Međutim, ako je pacijent akumulirao mnogo toksina usljed velikih količina antibiotika ili drugih farmaceutskih lijekova ili teških droga, ili je bio izložen radijaciji, pretjeranom zagađenju ili hemikalijama, postoji veća vjerovatnoća da će doći do reakcije. U takvim slučajevima preporučujemo da se počne s malim doziranjem.

Za one koji koriste SRHVP, postoje i drugi lijekovi za pročišćenje kao što su **NM72 Cleansing**, **SM14 Chemical Poison** i **SM16 Cleansing** koji kad se daju pojedinačno imaju potencijal za jaku reakciju. Zato ih praktičar treba davati s oprezom.

+++++
6. Pitanje: *Može li se vibrionika koristiti za liječenje primarnog sklerotičnog kolangitisa?*

Odgovor: Naravno, napravite sljedeće: **CC4.2 Liver & Gallbladder tonic + CC4.6 Diarrhoea + CC4.11 Liver & Spleen + CC12.4 Autoimmune diseases + CC21.4 Stings & Bites.**

Za korisnike mašine: **NM2 Blood + NM22 Liver + NM102 Skin Itch + NM113 Inflammation + BR12 Liver + SM5 Peace & Love Alignment + SR282 Carcinosis + SR284 Chelidonium 30C + SR340 Aloe Socotrina 30C + SR504 Liver.**



☞Božanske riječi Vrhunskog iscjelitelja ☞

"Prije nego se upusti u projekat služenja osoba mora istražiti i ispitati svoju opremljenost za ovu vrstu sadhane – da li je njeno srce ispunjeno nesebičnom ljubavlju, saosjećanjem, da li joj je glava ispunjena inteligentnim razumijevanjem i poznavanjem problema i njegovog rješenja, da li su

njene ruke željne ponuditi dodir iscjeljenja, da li je spremna od srca odvojiti i podijeliti vrijeme, energiju i vještine kako bi pomogla onima kojima je pomoć istinski potrebna.”

...Sathya Sai Baba, “Oprema za služenje” govor, 21. novembar 1986.
<http://www.sssbpt.info/ssspeaks/volume19/sss19-25.pdf>

+++++
“Ozbiljno nastojte da živite dugo i ne dopadnete šaka medicinarima. Dok vam daju jednu injekciju, oni drugu drže spremnu kako bi spriječili reakcije prve! Dok pokušavaju izliječiti jednu bolest, oni izazovu desetak drugih. Osim toga, lijekovi koje preporučuju uglavnom su podmetnuti jer proizvođači nastoje steći bogatstvo na osnovu prevare. Većina bolesti se može izliječiti jednostavnim životom, vježbama te inteligentnom kontrolom jezika. Živite dugo kako biste svjedočili putu Avatara u godinama koje dolaze.”

...Sathya Sai Baba, “Dobro zdravlje i dobrota” govor 30. septembar 1981.
<http://www.sssbpt.info/ssspeaks/volume15/sss15-21.pdf>

☞Obavještenja☞

Predstojeće radionice

- ❖ **Indija Kasaragod, Kerala:** AVP radionica 2-3. juli 2016, kontaktirati Rajesha na sairam.rajesh99@gmail.com ili telefonom na 8943-351 524 / 8129-051 524
- ❖ **Indija Bangalore, KA:** Seminar obnavljanja znanja 10. juli 2016, kontaktirati Shekhara na rsshekhara@aol.in ili telefonom na 9741-498 008
- ❖ **Indija Puttaparthi:** AVP radionica 14-18. juli 2016, kontaktirati Hem na 99sairam@vibrionics.org
- ❖ **SAD Shepherdstown, WV:** AVP radionice 15-17. juli i 14-16 oktobar 2016, kontaktirati Susan na trainer1@SAD.vibrionics.org
- ❖ **VB Oxford:** Seminar obnavljanja znanja 31. juli 2016, kontaktirati Jerama na jeramjoe@gmail.com ili telefonom na 020-8551 3979
- ❖ **SAD Shepherdstown, WV:** SVP radionica 16-18. septembar 2016, kontaktirati Susan na trainer1@SAD.vibrionics.org
- ❖ **VB Oxford:** SVP radionica 7-9. oktobar 2016, kontaktirati Jerama na jeramjoe@gmail.com ili telefonom na 020-8551 3979

☞Dodatak☞

Susreti praktičara igraju važnu ulogu u razvoju Vibrionike

Kako je pomenuto na početku, u VB, Indiji i SAD-u (u SAD putem konferencijskih poziva zbog velikih geografskih razdaljina) održano je nekoliko susreta praktičara, koji će se nastaviti održavati redovno kako bi odigrali važnu ulogu u razvoju vibrioničke platforme.

Kako je vibrionika cjelovit oblik liječenja, njen uspjeh podrazumijeva podizanje svijesti među praktičarima i pacijentima o različitim aspektima procedure liječenja. Ovi su sastanci organizovani upravo iz tog razloga te se zahvaljujući njima pojavilo nekoliko različitih i zanimljivih tema na osnovu kojih su potaknute diskusije. Slijedi nekoliko najvažnijih poruka sa sastanaka.

1. Zajednička tačka diskusije na svim sastancima vrtila se oko podizanja svijesti o Vibrionici kako bi sve veći broj ljudi mogao imati koristi od nje. Na osnovu rezultata koje su postigli praktičari s velikim iskustvom, zaključeno je da je osnovni sastojak za uspjeh u privlačenju većeg broja pacijenata te za postizanje pozitivnih rezultata djelovanje s čistom posvećenošću, apsolutnom vjerom u Božansko i u sistem liječenja, te srce ispunjeno ljubavlju i saosjećanjem.
2. Važno je potaknuti nove pacijente da posjete web stranicu i pogledaju informativni film o Vibrionici. Praktičar bi zatim trebao raščistiti s pacijentom eventualne sumnje i odgovoriti na njegova/njena pitanja.

Na taj način pacijenti mogu biti dobro obaviješteni. To pomaže jačanju njihove vjere u Vibrioniku što za posljedicu ima i veći stepen uspjeha u radu.

3. Kako bi se pročistili od negativne energije koju su eventualno pokupili kroz konsultacije i liječenje, praktičari bi trebali izgovarati drevnu havajsku molitvu **Ho'oponopono** u kojoj se sljedeće četiri rečenice ponavljaju u nizu: **Žao mi je; Volim te; Molim te, oprosti mi; Hvala.**
4. Dok liječe pacijente, praktičari trebaju djelovati u duhu potpune predanosti Božanskom i ne brinuti o tome da li su prepoznali i adresirali sve simptome i oboljenja. Ono što je važno jeste dijeliti lijekove s ljubavlju i tiho se moliti, "Ja sam uradio svoj dio, sada, molim Te, Ti preuzmi."
5. Raspravljalo se o ulozi koju jetra, bubrezi, nadbubrežne žlijezde i tanko crijevo igraju u održavanju zdravlja. Dok tretiraju hronične bolesti, praktičari trebaju imati u vidu dodavanje lijekova koji bi balansirali jedan ili više ovih organa. Naprimjer, višak toksina u jetri može izazvati rak grudi, mozga i krvi; neprobavljena hrana u crijevima izaziva sistemičke upale koje za posljedicu imaju alergije na hranu i oboljenja kao što su autizam, Alzheimer, dijabetes tipa I, debljina; nedostatna aktivnost nadbubrežnih žlijezda može dovesti do dijabetesa, visokog krvnog pritiska, depresije itd.
6. Jedna od najvažnijih poruka bila je da naši geni nisu permanentno programirani, tj. da se mogu razvijati u ovisnosti o okolini; a što je u najvećoj mjeri pod uticajem onoga što primamo putem pet čula. Zbog toga je važno praviti prave izbore.
7. Od najveće je važnosti educirati pacijente o važnosti zdrave ishrane, meditacije, vježbe, zdravog sna, prisustnosti, obavljanju aktivnosti s radošću. Međutim, važno je suzdržati se od sugestija o prehrani i načinu života sve dok praktičar ne uspostavi blizak odnos s pacijentom; bilo kakvo nedovoljno osjetljivo insistiranje prilikom upoznavanja može ljude odbiti od vibrionike.

Dajemo nekoliko specifičnih kombinacija za koje se ispostavilo da su jako učinkovite i korisne za pacijente, a koje su otkrili praktičari:

- **Kombo kortizol: NM36 War + NM45 Atomic radiation + NM113 Inflammation + SM2 Divine Protection + SM5 Peace & Love Align + SM6 Stress + SR324 X-ray + SR348 Cortisone**
 - **Kombo za podizanje energije: NM2 Blood + NM12 Combination 12 + NM45 Atomic radiation + NM48 Vitamin Eye Comp + NM63 Back-up + NM67 Calcium + NM86 Immunity + OM1 Blood + OM28 Immune System + BR1 Anaemia + SM2 Divine Protection + SM5 Peace and Love Align + SM6 Stress + SM26 Immunity + SM41 Uplift + SR216 Vitamin E + SR223 Solar plexus + SR225 Throat + SR256 Ferrum Phos + SR281 Carbo Veg + SR306 Phosphorus + SR324 X-ray + SR360 VIBGYOR + SR361 Acetic Acid + SR494 Haemoglobin + SR509 Marrow + SR529 Spleen + SR561 Vitamin Balance**
 - **Tonik za putovanje: CC4.4 Constipation + CC4.6 Diarrhoea + CC4.8 Gastroenteritis + CC4.10 Indigestion + CC9.2 Infections acute + CC9.3 Tropical diseases + CC10.1 Emergencies**
8. U slučaju alergija, usljed oslabljenog imunog sistema, pokazalo se da dodavanje **CC12.1 Adult tonic** i **CC12.4 Autoimmune diseases** uobičajenim kombinacijama kao što su **CC4.10 Indigestion** za alergije na hranu, **CC19.2 Respiratory allergies** i **CC21.3 Skin allergies**, ima vrlo uspješne rezultate.
 9. Praktičari is SAD-a su otkrili da su nozodi napravljeni od protualergijskih lijekova, lokalnog polena, alergena u hrani ili pljuvačke vrlo uspješni u uklanjanju simptoma. Vibrioničke lijekove treba uzimati duži vremenski period (ponekad čak i mjesecima) kako bi došlo do potpunog izlječenja.
 10. Praktičari su podijelili s drugima kako su konstantno osjećali Božansku prisutnost dok su tretirali pacijente. Ne samo da je to bilo vrlo ohrabrujuće, već i vrlo nadahnjujuće.
 11. Temeljni problem mnogih praktičara je taj da se veliki broj pacijenata nikada ne javi s povratnom informacijom. Dakle, važno je pacijentima dati karticu na kojoj su zapisani datum i vrijeme sljedećeg sastanka i naglasiti im da vas unaprijed trebaju obavijestiti ukoliko nisu u stanju doći na termin.

Om Sai Ram!

Sai Vibrionika...na putu ka usavršavanju u *medicare* – zdravstvenoj brizi dostupnoj svima